



Bible Châng Thlûr Bing Tûr: *Matthaia 28:20.*

ṬHEN 1-NA: ZIRLÂI TLÂNGPUI THLÎRNA

Pathian thuthlungte hi hun tiam chin awm lo a ni a. Nova te, Abrahamate, Mosiate leh mi dang dangte pawh kha thi vek tawh mah se, Pathian thutiamte chu a la thleng famkim chhonzawm zêl tho. Chhandam min tiamna thu hi a lama kan thinlung kan hawng a nih phawt chuan a la nung reng a ni.

ṬHEN 2-NA: ZIR ZÂUNA

Yahwehan Abrama *Phâw* (*Gen. 15:1*) nia a insawi khân Abrama Humhimtu, Vênghimtu a ni tûr thu a sawina a. *Phâw* tih ṭawngkam hian Pathianin Abrama hnêna vênhimna a pêk tûrzaia a tilang. A in leh lo leh ro zawng zawng khâwmtu tûra Eliezer-a ruat a lo rilrûk tawh lâiin a nupui Sari chhûl aṭang ngeiin fapa a lo piang chhuak dâwn a. Chu a fapa chuan *Abrahamate* thisenrawn pu chhuakin, chûngte chu “vâna arsî-te” zâta tam an ni ang.

Phâw chu

“Chûng thil hnu-ah chuan, ‘Abram, hlau suh, kei hi i phâw leh i lâwmmannasa tak mai ka ni asin’ tiin LALPA thu chu

Abrama hnênah mumang angin a lo thleng a.”—Jay Green, ed., *The Interlinear Hebrew/Greek English Bible*, vol. 1, p. 32; (*Gen. 15:1 en ang che.*)

“Hetì lăi chāngā ‘phāw’ tih emaw, vênhimna tih emaw hian indona leh intihpalh theihna laka taksa vênhimna lam a kâwk lo va. Abrahama leh a thlah lo la awm leh zêl tûrte kal tlanga thuthlung thutiam hlen chhuah a nih theih loh thulhna tûr laka vênhimna lam a kâwk zâwk Abrahama chî-te (thlahte) kan ni a nih chuan (Abrahama rinna ang neitute zawng zawng chu Abrahama thlahte an ni vek si a) keini tân pawh Pathian chu phâw a ni ve dâwn a ni tih chiang takin kan hre tûr a ni.”—Gerhard M. Hasel and Michael G. Hasel, *The Promise: God’s Everlasting Covenant*, p. 44.

Messia chungchâng hrilhlâwkna: Then 1-na

Ram Tiâma a luh ve phalsak a nih tâk loh avângin Mosia chu a thih dâwn hnaihah tlângchhîpah a ðû a, tichuan Messia lo kal tûr chu hmuhtîr a ni ta a ni: “Hun kal tawhte chu hmuh lêt phalsak niin kan Chhandamtu lo kal hmasak ðum kha thlîr kîrtîr a ni a . . . Nazareth khuaa Kristan a nun tlâwm taka a hman dân te, hmangaihna, khawngaihna nêna rawng a bâwl dân leh tihdam hna a thawh dân te, hnam chapo tak leh rinhleleh chîng takin an hnâwl dân te kha a thlîr a . . . Olive tlângah Isua a ðû a, a khawpui hmangaih êm êm a ðah khum lâi te pawh kha a hmu baw

“Pathian chuan Abrahama thlahte a hnâwl fithla vek lo a ni tih pawh a hmu a; hnâwl ahnehin Israel hnam kal tlanga hlen chhuah a tum thil ropui tak takte pawh a hmu vek baw. Krista kal tlanga rinna fa lo ni ta zawng zawngte chu Abrahama thlahte nia ngaih vek an ni ang.”—Ellen G. White, *Thlahtubulte leh Zâwlneite*, pp. 475, 476.

Messia chungchâng hrilhlâwkna: Then 2-na

Genesis 3:15-ah hian mihringa la rawn chang lo Krista chuan chuan Messia a rawn kal tûr thu puangin, chu a lo kalna chuan mihringte tân tlanna a rawn siam dâwn a; tin, suauna nei lote hnênah Adama khân suala a tlûknaah chhuanlam eng mah siam tûr a nei lo tih a rawn finfiah bawk ang; chu mai bâkah, dân leh chanchin tha hi Kalvari hmangin a inzawm tlat a ni tih a rawn tichiang bawk dâwn a ni.

Suala Adama a tlûk tâkna khân mihringte-ah soal entîrna thar a rawn hring chhuak a. Adama thlah kal zêlte chuan natna, Pathian dodâlna rilru put tlatna an lo nei ta a ni. Tichuan, soal hi thil tha lo tih ni satliah ngawt lovin, thlarau lama buaina, Pathian lalna do zâwnga thil tih tumna a ni kan ti thei ang. Matthaia 1:21-ah chuan thlarau lam natna kan vei min tihdamsaktu atâna Krista lo kal tûr thu hrilh kan ni a. Krista tel lo chuan mihringte hi thlarau lamah chuan mi rilru buai, mi â ang chauh kan ni ang. Chuvângin, Krista chu Kalvari-a a thihna rinchhan a, “thisen inpêkna” hmanga kan lo dam theih nân a lo kal ta rêng a ni.

Chutichuan, Krista chu *Fapa mal neih chhun* (Joh. 3:16) lo niin, he khawvêlah hian mi dang lam bîk, a anpui mi dang tu mah leh eng mah awm ve lo niin a lo piang a. Nazereth khuaah khân Adama Pahnihna chuan suala tlu tawh, khawlohnaa khat khawvêlah hian a rawngbâwlina tlâwm tak chu rawn tanin, chu khawvêl chu Adama pakhatna lo hlawhchham tawhna Paradis nên kha chuan inang lo tak a ni. He Pathian-mihring, kawng tinrênga thlêmna lo tâwk tawhtu hian hremhmun lama min hruai luh tumtu soal chu hlawhtling takin a lo hneh ta a ni (*Gen. 3:15; 1 Kor. 10:13; 15:21, 22; Heb. 4:15, 16 en la.*) Ellen G. White, *Indona Ropui*, pêk 700 pawh chhiar bawk ang che.

“I hming ka tiropui ang”

Sinar phâia chêng lalram dintu uangthuang tak takte ang lo takin Abraham a hi chuan Pathianin a hming tihropuisak tiam tho mah se, mahni pathiana insiamna ang rawng kâi rêng rêng

chu pumpelh a tum tlat a. “Nimroda kha tuilêt hnu khawvêla ram hruaitu ropui leh langsâr ber a nih chuan, Abrahama hi thlarau lama hruaitu a ni ve thung ang. . . . A chhan pawh mihringte tâna Yahweha thiltum tihhlawhtlinna hmanrua a ni si a.

“Abrahama nêh hian khawvêl chanchin chuan kawng dang a hawi ta a: Pathian pawhin tih dân phung thar a din ta bawk. Abrahama hi mihringte tân leh hnam zawng zawngte tâna hma lam tuifâwn a ni a. Hetah hian Yahweha chuan chi leh kuang a thliar hran lohzia a tilang chiang hlê.

“Pathian pakhata ringtu chi tharte chu an lo intan ta a. Africa leh Asia khawmualpui intawhna rama piang leh sei lian, Nimroda ngâisângtute tamna hmuna chêng Abrahama hi Yahweha chuan a thlah kal tlanga a unauten malsâwmna an lo chan theihna hmanrua ni tûrin a thlang ta a ni. . . .

“Tûnah chuan mi pakhat chu Pathian leh mihringte âiawha thil ti tûr a lo ni ta a. . . . Chumi tûr leh chumi huanga tel tûr chuan hnam leh chi ang zâwnga inthliarna a awm lo, thuthlung pawmtu apiang chu an tel thei vek a ni.”—Charles E. Bradford, *Sabbath Roots: The African Connection*, pp. 77–79.

THEN 3-NA: NUNA BEL TÛR

Ngaihtuah zui atân: Israel faten Tuipui Sen an kân thu kha hetiang hian rabbi-te chuan an sawi a: khatia Aigupta sipaite tuipuia an han pil tan chiah khân vâna vântirhkohte chuan an kut an bêng a, an lâw a, an hlim êm êm mai a ni. Tichuan, Pathian chuan pawh a ti hle a ni tih hriat tak hian, “Ka kutin hna a thawh, ka thil siam ngei chu tuipuih a pil ta maw!” a rawn ti ta a. Ni e, Pathian hmangaihna hi chu a ropui a, mi sual ber berte ngei pawh an boral hian a hlim chuang rêng rêng a lo zu nia!

❶ **Pathian hmangaihna chuan mi zawng zawng, a dân bawhchhetute leh a thilung tinatute hnên pawh a thleng vek a. Eng tin nge he hmangaihna hi mi tin thlunpui a**

tum thuthlung inlaichinnaah hian tihlanin a awm? Eng tin nge he hmangaihna hi miin Pathian a lo hnar hian tihlan chhonzawm zêl tho a nih thin? Hetianga Pathianin a hmangaihna a lantîr hian eng tin nge Setanan a lo tih ve thin?

②Juda mite khân ram dangin an rahbeh avângin anmahni chhanchhuaktu tûr Messia an ngâi a. Amaherawhchu, he khawvêlah hian Isua kha lalthuthlênga thu tûr ni lovin, kraws pu tûr zâwkin a lo kal ta si. Eng tiangin nge a rawn kal dân hi Pathian thuthlungin min pêk a tum nèn hian a inrem êm êm le?

③Pathian chuan Israel hnam tân khân ruahmanna tam tak a nei a; mahse, anni khân an tibeidawng fo si. Pathian hian Israel mite hman a tum dân ang khân min hman a duh ve-in i ring em? Han sawi fiah teh. Pathian âw kan lo hriata, a hmanrua kan lo nih theih nân a mi mal ang leh a kohhran ang pawha tih tûr kan neih chu eng nge ni?

④Juda-te chuan Messia a lo kal chuan chhinchhiahna te, thil mak te lo thleng tûr niin an ngâi a. Eng tiang kawngtein nge keini pawh hi anmahni ang deuh tho kan nih ve le? Eng tin nge Krista lo kal lehna chhinchhiahna hriat har tak takte chu kan tân hian lo hmuh hmaih hlauh theih a nih? Eng tin nge kohhhran hian Krista lo kal lehna atâna inpeih leh chumi lo nghâk mêktu kan ni tih hi a tha zâwngin kan lantîr theih ang?

⑤Pathian chhandamna i lo pawm chiah hian ni tina Krista lo an zual deuh deuhna kawng chu i zawh tan nghâl a. Chumi kawnga i than dân hriatna atân chuan eng tehfung nge i hman ang? Chutih rual chuan, Pathianin eng tehfung nge a hman ve thung ang? Charles Swindoll-a chuan thlarau lama tham tuma kan beihna kawngah hma lâm zâwng panna rahbi pathum leh hnung lam zâwng panna

rahbi pakhat a awm niin a sawi a. A sawi ang hi a ni tak tak a nih chuan, eng tin nge beidawng lovin hma lam kan pan zêl theih ang? Genesis 15:1-ah chuan Pathianin Abrama kha a “lâwmman nasa tak” a nih thu a hrilh a. Eng tiangin nge Pathian leh amah nêna kan inlaichinna hi kan thlen tum thlenna kawng ni mai lovin, kan thlen tum tak pawh a ni tel bawk le?

- ⑥ Pathian chuan Jakoba kha mal a sâwm ang a, chu a malsâwmna chuan khawvêl pum pui malsâwmna pawh a thlentîr bawk dâwn niin a hrilh a (*Gen. 28:14*). Malsâwmna hi mi dangte pawhin an chen ve theih tûra kan phal a nih loh chuan malsâwmna tak tak a ni thei ang em? Han sawi fiah teh.
- ⑦ Pathianin Abrama thu a thlunpui khân rilru-ah Abrama thlah kalzêlte a dahzia a tilang niin a hriat a. Mahse a hnu-ah chuan Pathian hian a rilru-ah rinna thuhmunin a thlun khâwm mi hrang hrangte a dah ta thung a ni tih a Chiang hle bawk. Pathian hian a rilru a thlâk em? Han sawi ho teh u.
- ⑧ Pathianin awm hmun nghet pawh nei lova pêm kual thîn Abrama a thlang a, hei hian keini’na keimahni leh mi dangte kan hmuh dân ang lo tkain Pahtian chuan mihringte hi a hmu a, a ngâihlu hle vek a ni ti a tilang. Abrahama-ah khân Pathianin eng nge a hmuh ang le?